

IRAKURMENA

Ekintza komunikatiboa: Literatur testuak ulertzea, bertan erabilitako bitarteko estilistikoak (hitz-jokoak, metaforak, konnotazioak...) atzemanaz.

Salvoj Zizek-en sudurra

Slavoj Zizek-ek sudurra ukitu eta dio:
Komun-zuloak kulturaren arabera aldatzen dira.
Hau da: Frantziako, Ingalaterrako edo
Alemaniakoak ezberdinak dira,
haien kulturak ere ezberdinak direlako
(ez kaka, ordea).
Salvoj Zizekek sudurra ukitu eta dio:
Multikulturalismoak kulturaren amaiera dakar.
Slavoj Zizekek sudurra ukitu eta dio:
Maitasuna petrala eta bortitza da.
Ez dago maitasun unibertsalik.
Slavoj Zizekek sudurra ukitu eta dio:
Vladimir Ilich Lenin,
hogeigarren mende bukaerako intelektualek
betiko lurperatu zutena,
inoizko ostikorik gogorrenak jotzen ari da hilobitik.
Slavoj Zizekek sudurra ukitu eta dio:
Familia toxikoa da.
Eta gaineratu du:
Ia dena da toxikoa gaur egun.
Kapitalismoa, batez ere.
Bestea, batez ere.
Slavoj Zizekek sudurra ukitu eta dio:
Jakina, bestea neu naiz.
Neu ere toxikoa naiz, beraz.
Slavoj Zizekek sudurra ukitu eta dio:
Jesukristo munstro bat da.
Slavoj Zizekek sudurra ukitu eta dio:
Ateoak baizik ezin du Jainkoagan sinetsi.
Slavoj Zizekek sudurra ukitu eta dio:
Ez dugu Estatua birrindu behar,
gureganatu, konkistatu baizik.
Derrigorrezkoa dugu, ezinbestekoa;
sexua bezain ezinbestekoa.
Slavoj Zizekek sudurra ukitu eta dio:
Balizkoa besterik ez da errealia.

Slavoj Zizekek sudurra ukitu eta dio:
Zuzentasun politikoa delakoak
debekaturiko guztia dio.
Slavoj Zizekek sudurra ukitu eta
hitz egiten du,
eta sudurra berriz ukitzen du,
behin, bi aldiz, hiru aldiz, lau aldiz, etengabe.
Eta berriz hitz egiten du.
Edo (hobeto esanda) berriz kantatzen du,
hamaika aldiz ukitzen duen
bizar urdinuak ezkutaturiko ahoari dariona
musika baita hainbat lagunentzat.
Esaterako, mendetan terroristak deituak izan direnentzat.
Probintziano, arlote, Historiaren hondakin izendaturiko
hamaika herri apal dutako abertzaleentzat.
Edo betidanik bortizkeriaren monopolioa dutenek
bortiztat jo eta tai gabe eta bortizki
zigortuentzat eta jipoituentzat.
Slavoj Zizekek sudurra behin eta berriz ukitu eta
kapitalismoaren krimenen zerrenda baino luzeagoa den
koka lerro bat sudurreratu duela pentsa lezake norbaitek.
Idea batzuk toxikoak diren bezala,
beste batzuk narkotikoak dira.
Esaterako, Slavoj Zizekek sudurra ukitu ondoren
aipaturiko hainbat. Aspaldian hiltzat emanak gehienak
eta Esloveniako hartz gorriak berpiztuak,
Michael Jacksonen bideo batean bezala
zonbiak hasi dira hilobitik irteten.
Dantzan jarri dituen doinua
ez dator Neverlandetik, Balkanetatik baizik.

Slavoj Zizekek sudurra ukitu eta dio:
Porca Miseria!

Montoia, Xabier
Erlea aldizkaria, 2. alea (25. or)
(moldatua)